



CANTON SARAJEVO
Cantonal Civil Protection Administration
Operational Center

Broj: 22-04-44-1-104/19
Sarajevo, 15.04.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 12.04.2019. do 07:00 sati 15.04.2019. godine

Dana, 12.04.2019. godine u 13:15 sati Dispečerski centar Profesionalne vatrogasne jedinice Kantonalne uprave civilne zaštite Kantona Sarajevo, primio je dojavu o teškoj saobraćajnoj nesreći u mjestu Bulози (kod tunela), na putu Pale – Sarajevo, na teritoriji Republike Srpske, gdje je jedan automobil u kojem su bile četiri osobe sletio u duboku provaliju kanjona rijeke Miljacke. Po nalogu direktora Kantonalne uprave civilne zaštite Kantona Sarajevo, na mjesto nesreće su upućena tri vatrogasna vozila sa 13 vatrogasaca. Na mjesto nesreće je također, izašao i direktor Kantonalne uprave civilne zaštite i njegov pomoćnik za mjere zaštite i spašavanja. Po naredbi direktora, a po propisanim procedurama angažovana je Gorska služba spašavanja Kantonalne uprave civilne zaštite Kantona Sarajevo, kao i Gorska služba spašavanja Općine Novi Grad, čiji su pripadnici izašli na lokaciju gdje se desila nesreća. Pripadnici naše Profesionalne vatrogasne jedinice i Gorske službe spašavanja su skupa sa pripadnicima drugih spasilačkih službi iz Republike Srpske, učestvovali u akciji pretraživanja terena mjesta nesreće, te na izvlačenju tijela četiri nastradale osobe iz vozila koje je završilo u koritu rijeke Miljacke. Intervencija pripadnika naše Profesionalne vatrogasne jedinice, kao i pripadnika naše Gorske službe spašavanja je završena u 21:51 sati.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su 15 intervencija od toga jednu veću tehničku intervenciju i 14 manjih intervencija.



Veća tehnička intervencija je bila dana, 12.04.2019. godine u 13:15 sati u teškoj saobraćajnoj nesreći u mjestu Bulozi, na teritoriji Republike Srpske gdje je jedan automobil u kojem su bile četiri osobe sletio u duboku provaliju kanjona rijeke Miljacke. U intervenciju su učestvovala tri vatrogasna vozila i 13 vatrogasaca, koji su skupa sa pripadnicima drugih spasilačkih službi učestvovali u akciji pretraživanju terena mjesta nesreće, te na izvlačenju tijela četiri nastradale osobe iz vozila koje je završilo u koritu rijeke Miljacke. Intervencija je završena u 21:51 sati.

Manje intervencije su bile sljedeće: tri na gašenju zapaljenog dimnjaka, jedna na kontrolisanom spaljivanju dimnjaka, jedna na gašenju smeća u kontejnerima, jedna na gašenju električnih instalacija, dvije na gašenju zapaljenih automobila, tri na obezbjeđenju kulturnosportskih događaja, i tri na obezbjeđenju tankovanja goriva na Međunarodnom aerodromu Sarajevo.

Napomena: U protekla 24 sata pripadnici Profesionalne vatrogasne jedinice imali su šest manjih intervencije i to: dvije intervencije na obezbjeđenju tankovanja goriva na Međunarodnom aerodromu Sarajevo, jednu na obezbjeđenju sportskog događaja, jednu na kontrolisanom spaljivanju dimnjaka, jednu na gašenju zapaljenog dimnjaka, i jednu na gašenju zapaljenog automobila.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 6 °C, vlažnost zraka 91%, barometarski pritisak 940,0 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.



PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1